



---

# LOKAL FORSKRIFT FOR BRUK AV MINDRE AVLØPSANLEGG I AUSTEVOLL KOMMUNE.

07/00377-013/ES

Lokal forskrift er gjeve i medhald av §12-6 i forureiningsforskrifta, fastsett av Miljøverndepartementet 15.12.05.

---

## § 1 Verkeområde og føremål.

Forskrifta gjeld utslepp av sanitært avløpsvatn frå bustader, hytter, turistbedrifter og liknande verksemder med mindre enn 50 personeiningar (PE). For verksemder som berre slepp ut gråvatn, gjeld denne forskrifta berre dersom det er innlagt vatn (jf forureiningsforskrifta § 12-1).

Forskrifta er fastsett av kommunestyret i Austevoll kommune den 26.06.2007, og regulerer bruken av tekniske løysningar for avløp frå mindre avløpsanlegg. Sonene er vist på kart i målestokk 1:40.000, datert 26.06.2007.

## § 2 Definisjonar.

Med "avløpsvatn" er meint avløp frå vassklosett, kjøken, bad, vaskerom eller liknande. Med innlagt vatn er meint vatn frå brønn, cisterneanlegg, vassverk eller liknande, og som er ført innandørs gjennom røyr eller leidning.

Med "PE" er i denne forskrifta meint den mengde organisk stoff som vert broten ned biologisk med eit biokjemisk oksygenforbruk over fem døgn (BOF<sub>5</sub>) på 60 gram oksygen per døgn.

Utslepp frå hus og hytter med innlagt vatn og vassklosett:	1 person bidrar med 1 pe
Utslepp frå hytter med innlagt vatn utan vassklosett:	1 person bidrar med 0,3pe
Utslepp frå hytter utan innlagt vatn og vassklosett:	1 person bidrar med 0,1pe

Eksempel: 8 hus med innlagt vatn og vassklosett, 6 personar pr husstand:  
 $8 * 1 \text{ pe/person} * 6 \text{ personar} = 48 \text{ pe}$ . Utsleppets forventa størrelse er 48 pe.

Med "typegodkjend minireinseanlegg" er i denne forskrifta meint minireinseanlegg som er godkjend i henhold til **NS-EN 12566-3** (frå 01.05.07).

## § 3 Utslepp etter denne forskrift.

Løyve til utslepp av avløpsvatn frå bustad, fritidsbustad, turistbedrifter og liknande verksemder etter denne forskrift kan reknast som godkjend dersom følgjande krav er innfridd:

- a) Naboar og andre partar som kan verte råka av utsleppet, er varsla og ikkje har kravd at planane skal leggjast fram for kommunen som søknad etter forureiningsforskrifta § 12-4. Kommunen må ha motteke krav om slik sakshandsaming innan 4 veker etter varsel er sendt.
- b) Skriftleg, fullstendig søknad om utsleppet er sendt til kommunen og kommunen ikkje innan 6 veker etter at det er motteke slik søknad har varsla om utvida behandlingstid, og dersom det ikkje førligg særskilde forhold som protestar, brukarkonflikter eller liknande.
- c) Utsleppet vert utført og reinsa i samsvar med føresegnene i denne forskrift §§ 5, 6 og 7.
- d) Utsleppet ikkje kan krevjast knytt til offentleg nett, jf plan- og bygningslova § 66, andre ledd. Reglane i første ledd gjeld og når utsleppet vert vesentleg auka. Som vesentleg auke vert mellom anna rekna innlegging av vatn og installering av vassklosett.

Dersom arbeidet ikkje er starta seinast 3 år etter at søknad er sendt til kommunen, eller dersom arbeidet vert stansa i lengre tid enn 2 år, fell retten til å etablere utslepp bort. Dersom utslepp framleis er aktuelt, må ny søknad sendast inn, jf § 3, første ledd.

#### **§ 4 Krav til innhald i søknad.**

Søknaden skal innehalde dei opplysningar som er naudsynt for at partar som kan verte råka av utsleppet skal kunne ta stilling til utsleppet, jf forureiningsforskrifta § 12-4. Søknaden skal elles dokumentere at planlagt avløpsløyning er i samsvar med reglane i §§ 5, 6 og 7.

Den ansvarlege skal sørge for at:

1) Det er utarbeidd skriftleg, fullstendig søknad som inneheld opplysningar om:

- a) tiltakshavar sitt namn og adresse, samt gardsnummer og bruksnummer
- b) dokumentasjon på korleis utslepp skal etablerast og drivast.
- c) plassering av avløpsanlegg og utsleppstad på kart i målestokk 1:1000 og 1:5000 eller større
- d) storleiken på utsleppet i PE
- e) interesser som ein trur kan verte roka av etableringa (deriblandt også interesser i andre kommuner med utslepp til same resipient)
- f) oversikt over kven som er varsla.

2) Partar og andre som vert særskilt råka av saken er varsla om innhaldet i søknaden. Kopi av varselet skal sendast til kommunen samstundes med at partar og andre vert varsla. I varselet skal det framgå at uttaler må vera motteke til søkjar innan ein frist på minst fire veker etter varsel er sendt

3) Søknaden er sendt til kommunen, etter at uttalefristen er utløpt, saman med kvittering for at varsel er sendt.

### § 5 Reglar for utslepp til kvite soner = ”mindre følsame område” (mekanisk reinsing)

Utsleppet skal førast i lukka leidning til minimum 10 meters djupne i god sjøresipient via slamavskiljar med følgjande minstekrav til totalt våtvolum og tal på kammer:

Type	Totalt våtvolum (m3)	1. kammer	2. kammer	3. kammer
Bustadeining med klosettavløp	4,0	3,0	0,5	0,5
Bustadeining utan klosettavløp	2,0	1,5	0,5	
Fritidsbustad med klosettavløp	2,0	1,5	0,5	
Fritidsbustad utan klosettavløp	1,0	0,7	0,3	

Slamavskiljar skal vere typegodkjend og vere i samsvar med retningsliner for utforming og drift av separate avløpsanlegg (Miljøverndepartementet, T 616) Slamavskiljar skal plasserast og utformast slik at tøming av slam frå kvart kammer er mogeleg med slamtømemateriell. Slamavskiljar knytt til heilårsbustad skal tømast heilt for slam ikkje sjeldnare enn kvart 2. år. For fritidsbustader ikkje sjeldnare enn kvar 4. år.

Mindre avløpsanlegg som ikkje kan førast i lukka leidning til god sjøresipient i desse områda, skal reinsast via typegodkjend biologisk & kjemisk minireinseanlegg, før utslepp gjennom lukka leidning til vassdrag eller etterpolering.

Avløpsløyvinga må i slike høve vurderast med utgangspunkt i faren for forureining som denne representerer i høve til plassering av mellom anna lokale vasskjelder og vassleidningsnett.

### § 6 Reglar for utslepp til orange soner = områder med avgrensa resipientkapasitet (biologisk reinsing).

Til følgjande resipienter skal utslepp bassert på mindre avløpsanlegg reinsast via typegodkjend minireinseanlegg, klasse 2 (biologisk reinsing). Reinsa avløpsvatn frå biologisk minireinseanlegg skal førast i lukka leidning til minimum 10 meters djupne i sjøresipient.

Sone 2	Hauglandsvågen
Sone 3	Vestre Storebøvågen
Sone 5	Austre Storebøvågen
Sone 9	Vestre Vinnesvågen
Sone 13	Fagerbakkevågen
Sone 15	Torangspollen med – vågen
Sone 19	Veivågen
Sone 20	Mellingen

Mindre avløpsanlegg som ikkje kan førast i lukka leidning til minimum 10 meters djupne i sjøresipient i desse områda skal reinsast via typegodkjend minireinseanlegg, klasse 1 (biologisk & kjemisk reinsing) før utslepp gjennom lukka leidning til vassdrag eller etterpolering.

Avløpsløyninga må i slike høve vurderast med utgangspunkt i faren for forureining som denne representerer i høve til plassering av mellom anna lokale vasskjelder og vassleidningsnett.

### **§ 7 Reglar for utslepp til blå soner = område med endå mindre resipientkapasitet (biologisk & kjemisk reinsing).**

Til følgjande resipientar skal utslepp basert på mindre avløpsanlegg reinsast via typegodkjend minireinseanlegg, klasse 1 (biologisk & kjemisk reinsing). Reinsa avløpsvatn frå biologisk & kjemisk minireinseanlegg skal førast i lukka leidning til minimum 10 meters djupne i sjøresipient.

Sone 1	Kvernavatn, Storebø
Sone 6	Haukanespollen med tilstøytande indre pollar
Sone 7	Kolbeinshamn/ Haukanesvågen
Sone 8	Heimarkspollen

Mindre avløpsanlegg som ikkje kan førast i lukka leidning til minimum 10 meters djupne i sjøresipient i desse områda skal reinsast via typegodkjend minireinseanlegg, klasse 1 (biologisk & kjemisk reinsing) før utslepp gjennom lukka leidning til vassdrag eller etterpolering.

Avløpsløyninga må i slike høve vurderast med utgangspunkt i faren for forureining som denne representerer i høve til plassering av mellom anna lokale vasskjelder og vassleidningsnett.

### **§ 8 Utleppsreglar for raude soner (forbodsoner).**

Til følgjande soner vert det ikkje godkjend utslepp frå mindre avløpsanlegg:

Sone 4	Bjånespollen med Leverhavet
Sone 10	Uglensvatn
Sone 12	Fagerbakkevatn
Sone 14	Vågevatn
Sone 18	Grunnevågen

For unntak må det dokumenterast særleg grunn.

Som særleg grunn meinast:

- Oppbygging etter brann eller lignende
- Rehabilitering av eldre busetnad eller avløpsanlegg. Dette gjeld derimot ikkje rehabilitering av fritidsbustader utan lovlig utslepp.

Sjå punkta: \* og \*\*.

- \* 1.ste valg utsleppsløyning dersom reglane om unntak vert nytta, skal avløpet reinsast via typegodkjend biologisk & kjemisk minireinseanlegg klasse 1 (biologisk & kjemisk reinsing) før utslepp gjennom lukka leidning til minimum 10 meters djupne i sjøresipient.

eller:

\*\* 2.dre valg om utsleppsløysing dersom reglane om unntak vert nytta, skal avløpet reinsast via typegodkjend biologisk & kjemisk minireinseanlegg klasse 1 (biologisk & kjemisk reinsing) før utslepp gjennom lukka leidning til vassdrag eller etterpolering.

## **§ 9 Tett tank**

Tett tank kan kun nyttast i særskilde høve.

Med særskilde høve meinast: mellombelse bygningar, anlegg, etc.

## **§ 10 Særskilde føresegner.**

Før det kan leggjast ut avløpsledning i sjø, må det søkjast om løyve frå Kystverket, jf ”lov av 8. juni 1984 nr. 51 om hamner og farvatn m.m.”.

For utslepp som kjem i konflikt med fiskeri- og akvakulturinteresser, viss så er tilfelle oversender Kystverket søknaden til Fiskeridirektoratets regionkontor for uttale.

Austevoll kommune vil kunne stille strengere krav enn det som elles følgjer av denne forskrifta dersom det vert søkt om løyve til plassering av nye enkeltutslepp tett attmed oppdrettsanlegg eller i sjøområde som vert mykje nytta til låssetting av fisk.

Dersom det på eit seinare tidspunkt vert ført fram offentleg kloakk til områder der det Utsleppet er etablert, må ein rekne med å få pålegg om tilknytning til offentleg leidningsnett.

## **§ 11 Ansvarlig søkjar, prosjekterande,- kontrollerande, utførande og kontrollerande.**

Ansvarlig søkjar, prosjekterande,- kontrollerande, utførande og kontrollerande av utsleppsløyve/ tekniske anlegga er søknadspliktig etter plan- og bygningslova og forskriftene til lova.

Kommune skal godkjenne ansvarshavande for avløpsanlegg, krava til ansvarshavande er:

- føretak med sentral godkjenning, eller
- føretak som oppfyller krav gjeve i godkjenningforskrifta av 22. januar 1997 nr. 35, til plan- og bygningslova.

## **§ 12 Tilsyn.**

Eigar/ tiltakshavar av avløpsanlegget er ansvarlig for at anlegget vert drive og vedlikehalde slik at krava i forskrifta vert følgde, her under at det er inngått avtale om service- og drift med leverandør av minireinseanlegg.

Kommunen er forureiningsmynde og fører tilsyn med at reglar og vedtak fatta i medhald av forureiningsforskrifta § 12-2 vert følgd. Dette gjeld og pålegg om endring eller opphøyr av lovleg utslepp.

**§13 Iverksetjing.**

Forskrifta trer i kraft straks den er vedteke i Austevoll kommunestyre.

Forskrifta er godkjend i Austevoll kommunestyre 26.06.2007.

Vedlegg til forskrifta:

- Kart i M 1:40000 mede reinsesoner